

# 王梓軒創作微短劇搬上大銀幕

## 曾志偉 回復「自由身」飛加國拍戲



●曾志偉和薛家燕加盟拍電影版。受訪者供圖



香港文匯報訊（記者 子棠）曾志偉早前宣布卸下TVB總經理一職，回復「自由身」的他首個「新工作」曝光，就是夥拍薛家燕支持王梓軒首嘗電影製作人的《選美兄弟班》（Rags 2 Richmond）電影版，他更遠赴加拿大參與拍攝，在當地取景時吸引大批影迷拍照。



●劇組爭分奪秒拍攝。

香港多棲藝人王梓軒自編自演的英語微短劇《選美兄弟班》於2024年底以網劇形式登場，劇集以溫哥華舉辦的第一屆男子選美比賽為背景，描寫關於友誼、野心及娛圈秘聞的故事，上線首月獲逾900萬點擊，隨即簽約數碼內容公司Viral Nation，開發電視電影版權相關項目。王梓軒、石祐珊及導演Simon Yin三位團隊主創，把短劇延伸製作成電影版，更邀得曾志偉和薛家燕加盟劇組，日前電影拍攝工作已順利完成。

### 重新定義IP誕生模式

難得有大前輩坐鎮，首次擔任電影製作人的王梓軒坦言壓力爆棚：「真係要特別多謝志偉哥同家燕姐，嘅百忙中抽空飛嚟加拿大拍攝，佢哋啲期好難度嘅！我哋當然唔敢怠慢，事前已經傾好晒點做，因為志偉哥只有兩日一夜嘅拍攝時間，我哋都唔想錯過每分每秒，不過佢一roll機就即刻進入狀態，非常專業，睇到我哋個個工作人員拍晒手。」他笑指現場工作人員都打醒十二分精神：「佢哋知道係志偉哥，即刻話係『China's Jack Nicholson』（中國版積尼高遜），個個都知西片版《無間道》嗰個『大佬』！」

王梓軒又表示由劇本、微短劇到搬上大銀幕，整個過程籌備足足5年：「因為係音樂劇，除咗度劇本亦要兼顧音樂創作，冇壓力就假嘅。每日拍嘢都係瞓得三四個鐘，雖然係有

啲辛苦，但係好感恩有一個好好的團隊，係一個非常愉快嘅經驗。」他指短劇版主題曲《Low Key》亦成為人氣單曲，帶他走上韓國節目《Show! Music Core》的舞台，亦獲邀於Imagineland Seoul音樂節演出！早前微短劇更奪得溫哥華亞洲電影節「Ovasian Impact Award 最具影響力獎項」，為整個團隊打下一支強心針。他續說：「喺電影版開鏡前得到呢個獎，真係特別有意義。現在短劇形式喺全球盛行，唔止香港同內地多人睇，外國都好多人都追網劇，既然短劇版喺社交平台得到世界各地觀眾支持、累積咗咁多數據，主題曲又有好成績，我哋都希望將呢個IP推返上戲院，成為大電影，重新定義一個IP嘅誕生模式！」

### 志偉「快閃」72小時

向來工作非常繁忙的曾志偉，這次在王梓軒的誠意打動下參與演出，更特意遠赴加拿大開工，卻只能在當地停留72小時。為抓緊時間，連倒時差都未過就立即埋位，其間又到溫哥華商場取景，吸引大批影迷及途人拍照。曾志偉說：「好開心見到《選美兄弟班》喺網絡上成績咁好，又攞埋獎。今次有

份參與電影版，仲可以同家燕姐一齊拍，好開心。我好享受拍電影，雖然今次唔係第一次拍西片，但係外國劇組有工會制度，就算今次我只係留72個鐘，都照顧得我好好，有足夠時間休息。」他指香港拍電影以效率見稱，不同地方有不同文化：「其實係各有優點，作為演員，我兩邊都好享受。」據悉，這次的電影拍攝工作，更是曾志偉卸下「總經理」身份後首個「新工作」，無論台前幕後都喜迎曾志偉到場，趁拍攝空檔紛紛把握機會與曾志偉交流、合照。

該片除了有曾志偉、薛家燕及王梓軒的演出，亦邀得串流平台劇集《冒牌帝國》的女主角Jennifer Tong、荷里活演員Shannon Kook及新生代演員、鍾麗緹女兒嚴書琴（Yasmine Ross）參與演出。



該片除了有曾志偉、薛家燕及王梓軒的演出，亦邀得串流平台劇集《冒牌帝國》的女主角Jennifer Tong、荷里活演員Shannon Kook及新生代演員、鍾麗緹女兒嚴書琴（Yasmine Ross）參與演出。

●鍾麗緹女兒嚴書琴（左）有份參演。網上圖片



●黎明影演唱會拍檔「海盜兔」在社交平台玩另類宣傳。

## 黎明3月開十場紅館騷 新開社交平台賬號宣傳

香港文匯報訊（記者 子棠）《黎明LEON LAI ROBBABA紅館演唱會2026》將於3月22至31日連10場於紅館舉行，門票分為港幣1,380元和680元，1月20日起公開售票。向來別出心裁的黎明（Leon）特別就有關事宜安排了演唱會拍檔「海盜兔」在社交平台玩另類宣傳。

Leon在新開的社交平台Ig賬號「leon-helloyou」分享了今次演唱會的宣傳片。不少「眼利」歌迷都發現這個新Ig賬號，驚喜萬分，紛紛關注，更留言表示終於等到了這一天及希望未來可以看到Leon發表更多動態，亦對演唱會十分期待。

近日Leon在個人網站更新發放了一條短視頻：「是密碼，是約定，是黎式美學的再度綻放。2026紅館之約，讓《只要為我愛一天》的深情漫過時光，你在台上續寫傳奇，我在台下熱淚盈眶——這一唱，便是青春與熱愛的雙向奔赴，3月紅館不見不散。」連其多年的好拍檔雷頌德也用表情符號留言以示支持！

主辦機構亦十分重本，除了在巴士及紅隧口設置大型廣告外，亦於銅鑼灣黃金地段Sogo外牆的巨型視頻播放演唱會宣傳片，相當吸睛。

## 相隔4年再登紅館 黃凱芹望恩師鄧藹霖參與

香港文匯報訊（記者 阿祖）「情歌王子」黃凱芹將於3月6日及7日假紅館舉行《黃凱芹40年來香港演唱會2026》。在前日的記者會上，播出黃凱芹親自作曲及填詞，由鄭丹瑞獨白、黃凱芹、周慧敏、阮兆祥和余劍明合唱的全新歌曲《數十年後》。黃凱芹談到相隔4年再在紅館舉行演唱會，他講明今次演唱會特色就是不會唱別人的歌，「以往演唱會我都會唱吓人哋嘅歌，或者自己作界人嘅歌，但今次作為紀念入行40周年嘅演唱會，係有特別意義，講真我要睇唔同階段，譬如寶麗金同飛圖年代，同埋之後自己出的歌，其實要揀都好多歌選擇，所以唱自己的歌都未必唱得晒，今次演唱會特色就係唔會唱人哋嘅歌。」

提到請得周慧敏、阮兆祥和余劍明

合唱全新歌曲《數十年後》，《黃凱芹40年來香港演唱會2026》會否也請一班好友任嘉賓呢？黃凱芹表明未成事就無謂開空頭支票，不過他覺得大家合作卻有特別意義，「我以往演唱會都好少請嘉賓，但係我40年前係電台出身，搵呢班舊同事一齊合唱係有特別意義，估唔到咁多年後大家都仲嚟呢行發展，大家亦都嚟唔同崗位，阮兆祥做咗開心果，Vivian（周慧敏）歌影視都有工作，余劍明就係媽咪同人哋妻子，但同時亦有DJ，大家過着不同嘅幸福人生，做緊自己鍾意嘅工作。」至於講到最希望出席的嘉賓，黃凱芹最想恩師能夠出席演唱會分享喜悅，「我入行係鄧藹霖帶住我，佢教咗我好多嘢，係我恩師嘅，真係好希望佢可以參與到今次演唱會。」



●黃凱芹將舉行紀念入行40周年演唱會。

## 夥陸卓謙甄敏芳備戰演唱會 胡子貝：有壓力才有動力

香港文匯報訊（記者 子棠）胡子貝、陸卓謙和甄敏芳等《聲秀》十六強學員將於本月18日在麥花臣場館舉行的《this is OUR STAGE》聲秀畢業演唱會，日前3人相約到band房夾band，更互相分享了演唱會前的內心感受。子貝表示：「因為我真係好熱愛音樂，否則我唔會堅持到呢一刻，我覺得有壓力先至會有動力，如果你對自己冇壓力嘅話，你點會進步？作為一個參賽者，最重要當然係唱好一首歌，認嘅嘢會比較少，但係作為一個職業歌手，我要搵到我自已把聲，等大家可以記住我。」陸卓謙說：「其實呢一刻心情好興奮，因為我都去過麥花臣呢個場館睇過唔同歌手嘅show，今次自己企喺



●右起：甄敏芳、胡子貝和陸卓謙約夾band。

個台上面，有少少夢想成真嘅感覺。我覺得要不停增值自己，始終我現在只係17歲，我希望我好多方面嘅才華，才能同才藝都可以增值。自己不斷進步，先至可以畀觀眾每年都會見到一個更加好嘅自己。」甄敏芳則指：「我希望企喺麥花臣呢個舞台嗰陣，大家可以冇surprise嘅感覺，感受到我嘅情感係可以感染到大家。希望大家會記得我哋16個學員，同埋記得我。」

新開張都好想恭賀佢，所以就一齊上去影咗張相。而Louisa分享張相，都係想講大家好support佢哥哥。」她又稱與麥明山都是最近認識，只見過一兩次面，其實並非很熟絡，跟Louisa因工作關係見面較多。問她現時可有拍拖？陳熙蕊就大方承認有了解中的對象，更稱若有好消息就會跟大家講。



●右起：孔德賢、郭秀雲、陳熙蕊及梁栩寧呼籲大眾關注領養寵物的議題。香港文匯報記者梁靜儀攝

## 稱只見過麥明山一兩次 陳熙蕊否認與對方拍拖

香港文匯報訊（記者 梁靜儀）孔德賢、陳熙蕊、郭秀雲及梁栩寧昨日出席活動，郭秀雲帶愛犬同行，孔德賢帶領養1年多的愛犬到場，台上眾人又呼籲大眾關注領養寵物的議題。

孔德賢表示是在流浪狗中心遇到愛犬，覺得遇到牠是緣分，大讚愛犬很乖，不用調教，是上天送給牠的禮物。提到他日前在社交平台分享短片，不慎將車匙遺留在已鎖上的車廂內。孔德賢表示平日不會如此不小心，還是第一次遇到這種情況：「前幾日去澳門拍攝《璀璨之城》，我將手袋放副駕駛座，一關門打算睇另一邊上車，車門突然上鎖，我驚到爆，驚會遲到，有諗過用磚頭打爛車窗，好彩個電話喺褲袋內，否則有人搵到我。」